



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

06.03.2018թ.

## Ո Ր Ո Շ ՈՒ Մ

ՀՀ գնումների բողոքարկման խորհրդի

թիվ ԳԲԽ-ԱՄ-2018/29

Հայաստանի Հանրապետության գնումների բողոքարկման խորհուրդը (այսուհետ նաև՝ Խորհուրդ)՝ քննելով՝ «Ադամանդ-Մեդ» ՍՊԸ-ի 20.02.2018թ. ներկայացրած բողոքը (այսուհետ նաև՝ ԳԲԽ-ԱՄ-2018/29 բողոք) և կից փաստաթղթերը, պարզեց հետևյալը.

**1. «Ադամանդ-Մեդ» ՍՊԸ-ի ներկայացրած փաստերը, հիմնավորումները և պահանջը**

«Ադամանդ-Մեդ» ՍՊԸ-ն 20.02.2018թ. Խորհրդին ներկայացված բողոքով հայտնել է, որ «Աբովյանի ծննդատուն» ՊՓԲԸ-ի կարիքների համար քիմիական նյութերի ձեռքբերման նպատակով կազմակերպվել է «ԱԲԾ-ԳՀԱՊՁԲ-18/03» ծածկագրով գնանշման հարցման ընթացակարգ (այսուհետև՝ Ընթացակարգ):

Ընթացակարգի թիվ 12-րդ չափաբաժնով պահանջվում է «Սուրֆանիոս» անվանումով ապրանքը, որը ախտահանիչ միջոց է հանդիսանում:

Այդ չափաբաժնի «Տեխնիկական բնութագիր-գնման ժամանակացույց» Հավելված թիվ 1-ի գնման ենթակա ապրանքի «Անվանումը և ապրանքային նշանը» սյունակում Պատվիրատուն գրել է «Սուրֆանիոս», իսկ «Տեխնիկական բնութագիրը» սյունակում նշված են «1 լիտր» և «Հեղուկ» բառերը:

«Ադամանդ-Մեդ» ՍՊԸ-ն մասնակցել է Ընթացակարգի թիվ 12, 16, 20, 25 և 33- րդ չափաբաժինների մասերով, որտեղ թիվ 12-րդ չափաբաժնում «Ապրանքի անվանումը» սյունակում հրավերով պահանջված «Սուրֆանիոս» բառերից հետո նշել է՝ համարժեք՝ «ԱՍՏՐԱԴԵԶ ԼԱՅԹ, 1լ» բառերը:

05.02.2018թ. «Ադամանդ-Մեդ» ՍՊԸ-ն ստացել է Ընթացակարգի գնահատող հանձնաժողովի թիվ 3 արձանագրությունը, համաձայն որի «Ադամանդ-Մեդ» ՍՊԸ-ն Ընթացակարգի թիվ 12-րդ չափաբաժնի մասով ճանաչվել է 1-ին տեղ զբաղեցնող մասնակից, որից հետո ներկայացվել է պահանջվող համապատասխան փաստաթղթերը:

15.02.2018թ. «Ադամանդ-Մեդ» ՍՊԸ-ն ստացել է Ընթացակարգի գնահատող հանձնաժողովի թիվ 4 արձանագրությունը, որի թիվ 1.2 ենթակետի համաձայն՝ «Ադամանդ-Մեդ» ՍՊԸ-ի հայտը թիվ 12-րդ չափաբաժնի մասով մերժվել է և նույն արձանագրության թիվ 2.1 ենթակետի համաձայն՝ թիվ 12-րդ չափաբաժնի մասով հաղթող մասնակից է ճանաչվել «Արմենֆարմ» ՍՊԸ-ն, իսկ թիվ 2.1 ենթակետի «բ» պարբերության համաձայն՝ որոշվել է ընտրված մասնակիցների հետ պայմանագրեր կնքել անգործության ժամկետի ավարտից հետո:

«Ադամանդ-Մեդ» ՍՊԸ-ն հայտնել է, որ համաձայն չէ այդ որոշումների հետ և խնդրել է Խորհրդին փոփոխելու «ԱԲԾ-ԳՀԱՊԶԲ18/03» ծածկագրով գնանշման հարցման գնահատող հանձնաժողովի թիվ 4 արձանագրությունով կայացրած որոշումները՝ թիվ 12-րդ չափաբաժնի մասով:

*Ընկերության կողմից որպես բողոքի իրավական հիմք և ապացույց նշվել է հետևյալը.*

Ընթացակարգի գնահատող հանձնաժողովի կողմից «Ադամանդ-Մեդ» ՍՊԸ-ի հայտը Ընթացակարգի հրավերի թիվ 12-րդ չափաբաժնի մասով մերժելու համար հիմք հանդիսացած հանգամանքի և կոնկրետ տոկոսների առկայության մասին պահանջները ներառված չեն Ընթացակարգի հրավերի թիվ 12-րդ չափաբաժնի «Տեխնիկական բնութագիրը» սյունակում, այսինքն՝ այդ պահանջների մասին ոչ մի մասնակից տեղյակ չի



եղել, դրանք Պատվիրատուի մոտ ի հայտ են եկել միայն հայտերի գնահատման փուլում, ուստի այդ մերժումը հակասում է «Գնումների մասին» ՀՀ օրենքի 34-րդ հոդվածի 1-ին մասով և 2-րդ մասի 1-ին կետով սահմանված պահանջներին:

«Ադամանդ-Մեդ» ՍՊԸ-ն, պատշաճ ծանուցված լինելով Խորհրդի 23.02.2018թ. ժամը 12:00-ի նիստի վերաբերյալ, տնօրենը ապահովել է իր մասնակցությունը, ով պնդել է բողոքով Խորհրդին ներկայացված դիրքորոշումը:

## **2. «Աբովյանի ծննդատուն» ՊՓԲԸ-ի կողմից ներկայացված փաստերը, հիմնավորումները և պահանջը**

«Աբովյանի ծննդատուն» ՊՓԲԸ-ն 22.02.2018թ. Խորհրդին ուղղված գրությամբ հայտնել է, որ «ԱԲԾ-ԳՀԱՊՁԲ-18/03» ծածկագրով մրցույթի թիվ 12-րդ չափաբաժնի մասով մասնակցել են 3 ընկերություններ՝ «Խաչապար» ՍՊԸ-ն, «Արմենֆարմ» ՍՊԸ-ն և Ադամանդ Մեդ ՍՊԸ-ն:

Ընկերությունների կողմից մինչև հայտերի ներկայացումը չի ներկայացվել ոչ գրավոր, ոչ բանավոր որևէ բողոք տեխնիկական բնութագրերի և մրցույթի հրավերով սահմանված պահանջի վերաբերյալ, այսինքն՝ տեխնիկական բնութագրերը ընդունելի և հասկանալի են եղել բոլոր մասնակիցների համար:

Հաշվի առնելով ընկերությունների կողմից ներկայացված բացարձակ գնային առաջարկները՝ Ընթացակարգի գնահատող հանձնաժողովը 05.02.2018թ. նիստի թիվ 3 արձանագրության համաձայն՝ թիվ 12-րդ չափաբաժնի մասով առաջին տեղ զբաղեցնող մասնակից է ճանաչել «Ադամանդ Մեդ» ՍՊԸ-ին, երկրորդ տեղ՝ «Խաչապար» ՍՊԸ-ին, երրորդ տեղ՝ «Արմենֆարմ» ՍՊԸ-ին:

Այնուհետև, հրավերով սահմանված պահանջի համաձայն՝ առաջին տեղ զբաղեցրած մասնակիցները ներկայացրել են իրենց կողմից առաջարկվող ապրանքների ամբողջական նկարագրերը:

Պատվիրատուն հայտնել է, որ մասնագիտական տեսանկյունից ուսումնասիրելով առաջարկվող նյութերը և դրանց ՀՀ Առողջապահության Նախարարության մեթոդական հրահանգները, օգտագործման ռեժիմները, Ընթացակարգի գնահատող հանձնաժողովը

վերագնահատել և 15.02.2018թ. կազմել է նիստի թիվ 4 արձանագրությունը, համաձայն որի թիվ 12 -րդ չափաբաժնի մասով առաջին տեղ զբաղեցնող մասնակից է ճանաչվել «Արմենֆարմ» ՍՊԸ-ն:

*Պարվիրաբուի կողմից կայացված որոշման վերանայման հիմքեր նշվել է հետևյալը.*

Ելնելով «Աբովյան Ծննդատուն» ՊՓԲԸ-ի հազեցվածությունից, գործընթացների բնույթից և ծավալներից, ախտահանման ենթակա ապրանքների առանձնահատկություններից, «Աբովյան Ծննդատուն» ՊՓԲԸ-ի համապատասխան մասնագետների կողմից կատարվել է ներկայացվող առաջարկների առավել մանրամասն ուսումնասիրություն:

Ներկայացված ախտահանիչների ախտահանման ռեժիմների ցուցիչները և ախտահանման համար պահանջվող ժամանակը, հիմք են հանդիսանում արագ ազդեցությամբ, անվտանգ, արդյունավետ և տնտեսական նպատակահարմարությունից ելնելով, վերջնական աշխանքային լուծույթի գնային հաշվարկի և ախտահանիչի ընտրության ժամանակ:

Վերջնական օգտագործման համար ստացվող ախտահանիչ աշխատանքային լուծույթի արժեքը ստանալու համար հաշվարկները կատարվել են համաձայն՝ ՀՀ Առողջապահության նախարարության կողմից յուրաքանչյուր ախտահանիչ միջոցի համար հաստատված համապատասխան մեթոդական հրահանգների և Հայաստանում գործող սանիտարական նորմերի՝ հիմք ընդունելով հակաբակտերիալ (ներառյալ տուբերկուլյոզը), հակավիրուսային և հակասնկային ախտահանման ռեժիմները:

Թիվ 12-րդ չափաբաժնի համար ներկայացված առաջարկների վերլուծություն.

«Արմենֆարմ» ՍՊԸ-ն առաջարկում է Սուրֆանիոս խտանյութը, որից մակերեսների բոլոր տիպի ախտահանումների համար, ըստ բակտերիաների (ներառյալ տուբերկուլյոզի), վիրուսների և սնկերի պատրաստում են 0,25%-ոց աշխատանքային լուծույթ:

Ախտահանման ժամանակը 60 րոպե:

Հիմք՝ Հավելված 2 ՀՀ առողջապահության նախարարի 2013 թվականի սեպտեմբեր 28-ի թիվ 2594-Ա հրամանի Աղյուսակ 2 «Սուրֆանիոս» ախտահանիչ նյութի կիրառման ռեժիմները.



Մշակվող մակերես	Աշխատանքային լուծույթի խտությունը (%)	Ախտահանման ժամանակ, րոպե								Ախտահանման տեսակը
		Բակտերիալ վարակներ	Տուբերկուլոզ	Վիրուսային վարակներ					Կանդիդոզներ	
				Հեպատիտ B	Հեպատիտ C	ՄՊՆԿ	HSN1	H1N1		
Տարածքների մակերեսներ, կոշտ կահույք, սարքերի մակերեսներ, սանիտարական փոխադրամիջոց	0,5% 0,25%	15	30 60	5	5	5	5	5	15	Սրբում կամ ողողում
Սանիտարատեխնիկական սարքավորում	0,5% 0,25%	15	30 60	5	5	5	5	5	15	Սրբում կամ ողողում

«Ադամանդ-Մեդ» ՍՊԸ-ն առաջարկում է «Աստրադեզ Լայթ» խտանյութը, որից պատրաստում են 2%-ոց աշխատանքային լուծույթ մակերեսների բոլոր տիպի ախտահանումների համար՝ ըստ բակտերիաների (ներառյալ տուբերկուլոզի), վիրուսների և սնկերի:

Ախտահանման ժամանակը 60 րոպե:

Հիմք՝ ՀՀ Առողջապահության Նախարարության «Աստրադեզ-Լայթ» ախտահանիչ միջոցի կիրառման մեթոդական հրահանգ N 1208-Ա առ «29» մայիս 2014 թ.

Աղյուսակ 4. «Աստրադեզ-Լայթ» միջոցի լուծույթով տուբերկուլոզի ժամանակ օբյեկտների ախտահանման ռեժիմ.

Վարակազերծման օբյեկտ	Միջոցի աշխատանքային լուծույթի խտություն /%/	Վարակազերծման ժամանակ /րոպեով/	Վարակազերծման մեթոդ
Մենքերի արտաքին մակերեսներ, կոշտ գույք, փոխադրամիջոցի օբյեկտներ	2.0 3.0 4.0	60 30 15	Շփում ռոտզում

«Իսաչյար» ՍՊԸ-ն առաջարկում է Ամիքսան խտանյութը, որից պատրաստում են 2%-ոց աշխատանքային լուծույթ՝ մակերեսների բոլոր տիպի ախտահանումների համար՝ ըստ բակտերիաների (ներառյալ տուբերկուլոզի), վիրուսների և սնկերի:

Ախտահանման ժամանակը 60 րոպե:

Հիմք՝ ՀՀ Առողջապահության Նախարարության «Ամիքսան» ախտահանիչ միջոցի կիրառման մեթոդական հրահանգ No 1791-Ա առ «10» հունիս 2016թ.:

Աղյուսակ 4: Օբյեկտների ախտահանման ռեժիմներ ախտահանիչ միջոցի լուծույթներով կանդիդոզների և դերմատոֆիտների ժամանակ.

Ախտահանման օբյեկտ	Աշխատանքային լուծույթի խտություն, %	Ախտահանման ժամանակ, րոպե		Ախտահանման եղանակ
		Կանդիդոզների ժամանակ	Դերմատոֆիտների ժամանակ	
Մակերեսներ սենքերում (հատակ, պատ և այլն), կահավորանքի առարկաներ, սարքեր, սարքավորում, սանիտարական փոխադրամիջոց միջոց	0,5	60	-	Շփում կամ ոռոգում
	1,0	15	90	
	2,0	-	60	
Սանիտարա-տեխնիկական սարքավորում	0,5	60	-	Շփում կամ ոռոգում
	1,0	15	90	
	2,0	-	60	

Աղյուսակ 2: Օբյեկտների ախտահանման ռեժիմներ ախտահանիչ միջոցի լուծույթներով մանրէային վարակների (այդ թվում տուբերկուլոզի) ժամանակ.

Ախտահանման օբյեկտ	Աշխատանքային լուծույթի խտություն, %	Ախտահանման ժամանակ, րոպե		Ախտահանման եղանակ
		Մանրէային վարակների (բացառությամբ տուբերկուլոզի) ժամանակ	Տուբերկուլոզի ժամանակ	
Մակերեսներ (բացառությամբ սալիկապատ, փնդեղան, ներկած փայտից), հատակ, պատ և այլն, կահավորանքի առարկաներ, ապարատներ, սարքեր, սարքավորում, սանիտարական փոխադրամիջոց	0,1	60	-	Շփում կամ ոռոգում
	0,25	15	-	
	1,0	-	60	
	1,5	-	-	
	2,0	-	15	
Մակերեսներ (սալիկապատ, փնդեղան, ներկած փայտից) սենքերում (հատակ, պատ և այլն), կահավորանքի առարկաներ	0,1	60	-	Շփում կամ ոռոգում
	0,25	15	-	
	1,0	-	90	
	1,5	-	60	
	2,0	-	30	
Սանիտարա-տեխնիկական սարքավորում	0,1	60	-	Շփում կամ ոռոգում
	0,25	15	-	
	1,0	-	90	
	1,5	-	60	
	2,0	-	30	

Աղյուսակ 3: Օբյեկտների ախտահանման ռեժիմներ ախտահանիչ միջոցի լուծույթներով վիրոսային վարակների ժամանակ.

Ախտահանման օբյեկտ	Աշխատանքային լուծույթի խտություն, %	Ախտահանման ժամանակ, րոպե	Ախտահանման եղանակ
Մակերեսներ սենքերում (հատակ, պատ և այլն), կահավորանքի առարկաներ, ապարատներ, սարքեր, սարքավորում, սանիտարական փոխադրամիջոց	1,0 2,0 3,0	60 30 15	Շփում կամ ոռոգում
Սանիտարա-տեխնիկական սարքավորում	1,0 2,0 3,0	60 30 15	Շփում կամ ոռոգում

Ըստ հրավերի 12-րդ չափաբաժնի պահանջը եղել է 70 լիտր խտանյութ:

Սուրֆանիոս 70 լիտր խտանյութից ստացվում է 0,25%-ոց 28000 լիտր աշխատանքային լուծույթ, որը անհրաժեշտ է բավարարելու համար «Աբովյան Ծննդատուն» ՊՓԲԸ-ի կարիքները:

Սուրֆանիոս 70 լիտրի ( 0,25% -ոց 28000 լիտր աշխատանքային լուծույթ) գնային առաջարկը կազմել է 617 400 ՀՀ դրամ:

1 լիտր աշխատանքային լուծույթի արժեքը կազմում է  $617400/28000= 22,05$  դրամ:

«Աստրադեզ Լայթ» 70 լիտր խտանյութից ստացվում է 2%-ոց 3500 լիտր աշխատանքային լուծույթ, որը բավարար չէ «Աբովյան Ծննդատուն» ՊՓԲԸ-ի կարիքների բավարարելու համար:

«Աստրադեզ Լայթ» 70 լիտրի (2%-ոց 3500 լիտր աշխատանքային լուծույթ) գնային առաջարկը կազմել է 392 000 դրամ:

1 լիտր աշխատանքային լուծույթի արժեքը կազմում է  $392000/3500= 112$  դրամ:

«Ամիքսան» 70 լիտր խտանյութից, ստացվում է 2% -ոց 3500 լիտր աշխատանքային լուծույթ, որը բավարար չէ «Աբովյան Ծննդատուն» ՊՓԲԸ-ի կարիքների բավարարելու համար:

«Ամիքսան» 70 լիտրի (2%-ոց 3500 լիտր աշխատանքային լուծույթ) գնային առաջարկը կազմել է 448 000 ՀՀ դրամ:

1 լիտր աշխատանքային լուծույթի արժեքը կազմում է  $448000/3500= 128$  դրամ:



Պատվիրատուն հայտնել է, որ վերլուծելով վերոնշյալը, կարելի է տեսնել, որ «Արուվյան Ծննդատուն» ՊՓԲԸ-ի կարիքները հոգալու համար անհրաժեշտ վերջնական աշխատանքային լուծույթի ծավալը ապահովելու համար, «Արուվյան Ծննդատուն» ՊՓԲԸ-ն Աստրադեզ Լայթ կամ Ամիքսան խտանյութերը գնելու դեպքում պետք է գներ 8 անգամ ավելի շատ խտանյութ՝ 28000 լիտր վերջնական աշխատանքային լուծույթ ստանալու համար, և օգտագործել գնման համար համապատասխանաբար 3.136.000 ՀՀ դրամ և 3.584.000 ՀՀ դրամ:

Ամիքսան-28000 լիտր 2% աշխատանքային լուծույթի գինը կազմում է՝ 3.584.000 ՀՀ դրամ (28000 լիտր\*128դրամ=3.584.000 դրամ)

Աստրադեզ Լայթ-28000 լիտր 2% աշխատանքային լուծույթի գինը կազմում է՝ 3.136.000 ՀՀ դրամ (28000լիտր\*112դրամ=3.136.000 դրամ)

Սուրֆանիոս-28000 լիտր 0,25% աշխատանքային լուծույթի գինը կազմում է՝ 617.400 ՀՀ դրամ (28000լիտր\*22.05դրամ=617.400 դրամ):

Այսինքն՝ ձեռք չբերելով Սուրֆանիոս խտանյութը, «Արուվյան Ծննդատուն» ՊՓԲԸ-ն չէր ապահովի իր կարիքները հոգալու համար անհրաժեշտ վերջնական աշխատանքային լուծույթի ծավալը, այն է՝ 28000 լիտր:

«Արուվյան Ծննդատուն» ՊՓԲԸ-ն 28000 լիտր վերջնական աշխատանքային լուծույթի ծավալը ապահովելու համար Աստրադեզ Լայթ կամ Ամիքսան տիպի ախտահանիչներ գնելու դեպքում համապատասխանաբար կկատարեր 2.518.600 դրամից և 2.966.600 դրամի գերաձախս:

Հաշվի առնելով ստացվող վերջնական աշխատանքային լուծույթների արժեքները և ծավալների համեմատականը, «Արուվյան Ծննդատուն» ՊՓԲԸ-ի գնահատող հանձնաժողովը, վերագնահատել է մրցույթի արդյունքները և որպես մրցույթի թիվ 12-րդ չափաբաժնի հաղթող է ճանաչել «Արմենֆարմ» ՍՊԸ-ին:

«Արուվյան Ծննդատուն» ՊՓԲԸ-ն, պատշաճ ծանուցված լինելով հտորհրդի 23.02.2018թ. ժամը 12:00-ի նիստի վերաբերյալ, ապահովել է իր ներկայացուցիչների մասնակցությունը, ովքեր պնդել են վերոհիշյալ գրույթյամբ ներկայացված դիրքորոշումը:



**3. ԳԲԽ-ԱՄ-2018/29 բողոքի քննության համար էական նշանակություն ունեցող փաստերը**

ԳԲԽ-ԱՄ-2018/29 բողոքի քննության համար էական նշանակություն ունեն հետևյալ փաստերը՝

1. «Աբովյան Ծննդատուն» ՊՓԲԸ-ի կողմից «Աբովյան Ծննդատուն» ՊՓԲԸ-ի կարիքների համար՝ քիմիական նյութերի ձեռքբերման նպատակով կազմակերպվել է «ԱԲԾ-ԳՀԱՊՁԲ18/03» ծածկագրով գնանշման հարցման ընթացակարգ, որին մասնակցելու նպատակով ի թիվս այլ մասնակիցների հայտ է ներկայացրել նաև «Ադամանդ-Մեդ» ՍՊԸ-ն:

2. Ընթացակարգի հրավերով թիվ 12-րդ չափաբաժնի համար նախատեսվել է գնման առարկայի հետևյալ տեխնիկական բնութագիրը.

Հրավերով նախատեսված չափաբաժնի համարը	Անվանումը և ապրանքային նշանը	Տեխնիկական բնութագիրը	չափման միավորը	ընդհանուր քանակը
12	Սուրֆանիոս	1լիտր/ հեղուկ	լիտր	70

3. Ընթացակարգի գնահատող հանձնաժողովի 05.02.2018թ. ժամը 10:00-ի նիստի թիվ 3 արձանագրությամբ կայացված որոշմամբ «Ադամանդ-Մեդ» ՍՊԸ-ն թիվ 12-րդ չափաբաժնի մասով ճանաչվել է առաջին տեղ զբաղեցրած մասնակից, որին սահմանված կարգով ծանուցվել է երեք աշխատանքային օրվա ընթացքում էլեկտրոնային փոստի միջոցով ներկայացնելու որակավորման չափանիշները հիմնավորող Ընթացակարգի հրավերի 2-րդ մասի 3-րդ բաժնով նախատեսված փաստաթղթերը:

4. Ընթացակարգի գնահատող հանձնաժողովի 15.02.2018թ. ժամը 10:00-ի նիստի թիվ 4 արձանագրության 1.2 ենթակետի համաձայն՝ մասնակիցները ներկայացրել են հրավերով սահմանված 6-րդ հավելվածով նախատեսված գրությունը և առաջարկվող ապրանքի ամբողջական նկարագիրը, համաձայն՝ հավելված 6.1-ի:

5. Նույն ենթակետով կայացված որոշմամբ Ընթացակարգի գնահատող հանձնաժողովը արձանագրել է, որ N 12 և N 17 չափաբաժինների մասով գնային առաջարկներով 1-ին տեղ էին զբաղեցրել համապատասխանաբար «Ադամանդ-Մեդ» ՍՊԸ-ն և «Խաչպար» ՍՊԸ-ն, սակայն ուսումնասիրելով տվյալ չափաբաժիններով առաջարկվող նյութերի օգտագործման հրահանգները՝ հաղթող մասնակից է ճանաչվում «Արմենֆարմ» ՍՊԸ-ն, մասնավորապես.

«Արմենֆարմ» ՍՊԸ-ն առաջարկում է N 12 չափաբաժնով 0,25% և N 17 չափաբաժնով 0,5% լուծույթներ, որոնք պայքարում են հիվանդաբեր բոլոր հարուցիչների /վիրուսների, բակտերիաներ, սնկեր, տուբերկուլյոզ/ դեմ 15 րոպեի ընթացքում միանգամից:

«Ադամանդ-Մեդ» ՍՊԸ-ն և «Խաչպար» ՍՊԸ-ն առաջարկում են ամեն հարուցիչի դեմ պայքարի համար տարբեր խտությամբ լուծույթներ՝ առավելագույնը մինչև 3% տուբերկուլյոզի հարուցիչի դեմ պայքարի համար:

Հաշվի առնելով այն հանգամանքը, որ հիվանդանոցի համար անհրաժեշտ է ախտահանիչ լուծույթ, որը կպայքարի բոլոր հարուցիչների դեմ միաժամանակ, ուստի անհրաժեշտ կլինի պատրաստել.

- N 17 չափաբաժնով՝ 0,5 % Անիոզիմ ԴԴ1-ից, որի 1 լիտր աշխատանքային լուծույթի արժեքը կկազմի՝ 81 դրամ, իսկ 3% Մեզաբակից, որի 1 լիտր աշխատանքային լուծույթի արժեքը կկազմի՝ 282 դրամ:

N 12 չափաբաժնով՝ 0,25% Սուրֆանիոաից, որի 1 լիտր աշխատանքային լուծույթի արժեքը կկազմի՝ 22 դրամ, իսկ 2% Աստրադեզ լայթից, որի 1 լիտր աշխատանքային լուծույթի արժեքը կկազմի՝ 112 դրամ:

6. Նույն արձանագրության՝ 2.1 ենթակետով կայացված որոշմամբ թիվ 12-րդ չափաբաժնի մասով հաղթող մասնակից է ճանաչվել «Արմենֆարմ» ՍՊԸ-ն:



#### 4. Խորհրդի հիմնավորումները և եզրահանգումը

«Հ գնումների բողոքարկման խորհուրդը, ռաումնասիրելով «Ադամանդ-Մեդ» ՍՊԸ-ի 20.02.2018թ. բողոքը և «Աբովյանի ծննդատուն» ՊՓԲԸ-ի 22.02.2018թ. գրությունը՝ կից նյութերով, հայտնում է հետևյալը.

«Գնումների մասին» ՀՀ օրենքի (այսուհետ՝ Օրենք) 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 13-րդ հոդվածի 1-ին և 2-րդ մասերի համաձայն՝

1. Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական՝ և համարժեք նկարագրությունը:

Օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Նույն հոդվածի 2-րդ մասի 1-ին և 2-րդ կետերի համաձայն՝ առաջին տեղը զբաղեցրած մասնակիցը որոշվում է՝

1) բավարար գնահատված հայտեր ներկայացրած մասնակիցների թվից՝ նվազագույն գնային առաջարկ ներկայացրած մասնակցին նախապատվություն տալու սկզբունքով, կամ

2) այն մասնակցին ընտրելու մեթոդով, որի առաջարկած գնին և ոչ գնային չափանիշներին տրված գործակիցների հանրագումարը ամենաբարձրն է: Այս մեթոդի կիրառման դեպքում հայտերը գնահատելիս հրավերով սահմանված դեպքերում և կարգով, առաջարկվող գնից բացի, հաշվի են առնվում ոչ գնային այլ չափանիշներ: Ոչ գնային չափանիշները պետք է փոխկապակցված լինեն պայմանագրի առարկայի հետ և դրանց հարաբերական կշիռները ներկայացվեն հրավերի մեջ:

Նույն հոդվածի 5-րդ մասի 1-ին կետի, 6-րդ և 7-րդ մասերի համաձայն՝

5. Առաջին և հաջորդաբար տեղերը զբաղեցրած մասնակիցներին որոշելուց հետո՝ հրավերով սահմանված ժամկետում՝

1) առաջին տեղը զբաղեցրած մասնակիցը հանձնաժողովին է ներկայացնում իր՝ գնումներին մասնակցելու իրավունքը և հրավերով նախատեսված որակավորման չափանիշներին համապատասխանությունը հիմնավորող՝ հրավերով նախատեսված փաստաթղթերը (տեղեկությունները):

6. Հայտը գնահատվում է բավարար, եթե սույն հոդվածի 5-րդ մասի համաձայն ներկայացված տվյալները բավարարում են հրավերով սահմանված պահանջները: Նման դեպքում մասնակիցը հայտարարվում է ընտրված:

7. Սույն հոդվածի 6-րդ մասի համաձայն՝ գնահատման արդյունքում հայտը անբավարար գնահատվելու դեպքում հանձնաժողովը փաստաթղթերը ներկայացնելու պահանջ է առաջադրում հաջորդ տեղը զբաղեցրած մասնակցին:

«Կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի 40-րդ կետի 5-րդ ենթակետի համաձայն՝



հայտերի բացման նիստում՝ հանձնաժողովը հրավերի պահանջների նկատմամբ բավարար գնահատված հայտեր ներկայացրած մասնակիցներից որոշում և հայտարարում է առաջին և հաջորդաբար տեղեր զբաղեցրած մասնակիցներին:

Կարգի 43-րդ կետի 4-րդ ենթակետի համաձայն՝ էլեկտրոնային փոստի միջոցով ծանուցում է առաջին տեղը զբաղեցրած մասնակցին՝ առաջարկելով ծանուցումն ուղարկելու օրվանից երեք աշխատանքային օրվա ընթացքում էլեկտրոնային փոստի միջոցով ներկայացնել որակավորման չափանիշները հիմնավորող՝ հրավերով նախատեսված փաստաթղթերը, բացառությամբ սույն կարգով նախատեսված դեպքերի, ապրանքների գնման դեպքում նաև սույն կարգի 32-րդ կետի 1-ին ենթակետի «գ» պարբերությամբ նախատեսված փաստաթուղթը, իսկ բանկային երաշխիքի ձևով ներկայացված հայտի ապահովման բնօրինակը՝ կից գրությամբ: Սույն մասով սահմանված ժամկետում փաստաթղթեր ընդհանրապես չներկայացվելու դեպքում հանձնաժողովը հայտերի գնահատման նիստում մերժում է առաջին տեղն զբաղեցրած մասնակցի հայտը և փաստաթղթեր ներկայացնելու պահանջ է ներկայացնում հաջորդաբար տեղ զբաղեցրած մասնակցին:

«Աբովյան Ծննդատուն» ՊՓԲԸ-ի կողմից «Աբովյան Ծննդատուն» ՊՓԲԸ-ի կարիքների համար՝ քիմիական նյութերի ձեռքբերման նպատակով կազմակերպվել է «ԱԲԾ-ԳՀԱՊՁԲ18/03» ծածկագրով գնանշման հարցման ընթացակարգ, որին մասնակցելու նպատակով ի թիվս այլ մասնակիցների հայտ է ներկայացրել «Ադամանդ-Մեդ» ՍՊԸ-ն:

Ընթացակարգի հրավերով թիվ 12-րդ չափաբաժնի համար նախատեսվել է գնման առարկայի հետևյալ տեխնիկական բնութագիրը.

Հրավերով նախատեսված չափաբաժնի համարը	Անվանումը և ապրանքային նշանը	Տեխնիկական բնութագիրը	չափման միավորը	ընդհանուր քանակը
12	Սուրֆանիոս	1լիտր/ հեղուկ	լիտր	70

Ընթացակարգի գնահատող հանձնաժողովի 05.02.2018թ. ժամը 10:00-ի նիստի թիվ 3 արձանագրությամբ կայացված որոշմամբ «Ադամանդ-Մեդ» ՍՊԸ-ն թիվ 12-րդ չափաբաժնի մասով ճանաչվել է առաջին տեղ զբաղեցրած մասնակից, որին սահմանված կարգով ծանուցվել է երեք աշխատանքային օրվա ընթացքում էլեկտրոնային փոստի միջոցով ներկայացնելու որակավորման չափանիշները հիմնավորող Ընթացակարգի հրավերի 2-րդ մասի 3-րդ բաժնով նախատեսված փաստաթղթերը:

Ընթացակարգի գնահատող հանձնաժողովի 15.02.2018թ. ժամը 10:00-ի նիստի թիվ 4 արձանագրության 1.2 ենթակետի համաձայն՝ Ընկերությունը ներկայացրել է հրավերով սահմանված 6-րդ հավելվածով նախատեսված գրությունը և առաջարկվող ապրանքի ամբողջական նկարագիրը համաձայն՝ հավելված 6.1-ի:

Ընկերության կողմից հրավերի թիվ 6.1 հավելվածով թիվ 12-րդ չափաբաժնի մասով ներկայացվել է առաջարկվող ապրանքի հետևյալ նկարագիրը.

Չափաբաժնի համարը	Անվանումը	Ապրանքային նշանը	Արտադրողի անվանումը	Ծագման երկիրը	Տեխնիկական բնութագրերը
12	«Աստրադեգ Լայթ»	Աստրադեգ	Հիգիենա-Մեդ	ՌԴ/ Ռուսաստանի Դաշնություն	Միջոցն իրենից ներկայացնում է անգունից միևնույն բաց դեղին կամ երկնագույն հեղուկ: Որպես ազդող նյութ պարունակում է՝ N,N/-բիս /N,N/ /3 ամինոպրոպիլ/ դոդեցիլամին 7,1±0,1%, /N,N/-դիդեցիլ /N,N/-դիմեթիլամոնիումի քլորիդ 3,5±0,3%, նեխնոգեն մակերեսային ակտիվ նյութեր և այլ բաղադրիչներ: Միջոցը նախատեսված է որպես ախտահանիչ մեծ և փոքր մակերեսների համար, բժշկական նշանակության իրերի, կոշտ և



				<p>ճկուն էնդոսկոպերի և դրանց գորիքների նախամանրէագերծումային մշակման համար, բժշկական նշանակության իրերի կոշտ և ճկուն էնդոսկոպերի և դրանց գործիքների ախտահանման հետ զուգորդվող նախամանրէագերծումային մշակման համար, կենսաբանական թափոնների ախտահանման համար, բորբոսասնկերի դեմ պայքարի համար, տարածքների հիմնական մաքրման համար և այլն.....:</p> <p>Միջոցի պիտանիության ժամկետը կազմում է 5 տարի: Աշխատանքային լուծույթի պիտանելիության ժամկետը կազմում է 28 օր: Օգտագործման եղանակները մանրամասն ներկայացված են հրահանգում: Ունի &lt;&lt; ԱՆ-ի կողմից հաստատված մեթոդական հրահանգ:</p>
--	--	--	--	--

Ընթացակարգի գնահատող հանձնաժողովը 15.02.2018թ. ժամը 10:00-ի նիստի թիվ 4 արձանագրության 1.2 ենթակետով կայացված որոշմամբ արձանագրել է, որ N 12 և N 17 չափաբաժինների մասով գնային առաջարկներով 1-ին տեղ էին զբաղեցրել համապատասխանաբար «Ադամանդ-Մեդ» ՍՊԸ-ն և «Խաչպար» ՍՊԸ-ն, սակայն ուսումնասիրելով տվյալ չափաբաժիններով առաջարկվող նյութերի օգտագործման հրահանգները՝ հաղթող մասնակից է ճանաչվում «Արմենֆարմ» ՍՊԸ-ն, մասնավորապես.

«Արմենֆարմ» ՍՊԸ-ն առաջարկում է N 12-րդ չափաբաժնով 0,25% և N 17 չափաբաժնով 0,5% լուծույթներ, որոնք պայքարում են հիվանդաբեր բոլոր հարուցիչների /վիրուսների, բակտերիաներ, սնկեր, տուբերկուլյոզ/ դեմ 15 րոպեի ընթացքում միանգամից:

«Ադամանդ-Մեդ» ՍՊԸ-ն և «Խաչպար» ՍՊԸ-ն առաջարկում են ամեն հարուցիչի դեմ պայքարի համար տարբեր խտությամբ լուծույթներ՝ առավելագույնը մինչև 3% տուբերկուլյոզի հարուցիչի դեմ պայքարի համար:

Հաշվի առնելով այն հանգամանքը, որ հիվանդանոցի համար անհրաժեշտ է ախտահանիչ լուծույթ, որը կպայքարի բոլոր հարուցիչների դեմ միաժամանակ, ուստի անհրաժեշտ կլինի պատրաստել.

- N 17 չափաբաժնով՝ 0,5 % Անիոզիմ ԴԴ1-ից, որի 1 լիտր աշխատանքային լուծույթի արժեքը կկազմի՝ 81 դրամ, իսկ 3% Մեզաբակից, որի 1 լիտր աշխատանքային լուծույթի արժեքը կկազմի՝ 282 դրամ:

N 12 չափաբաժնով՝ 0,25% Սուրֆանիոսից, որի 1 լիտր աշխատանքային լուծույթի արժեքը կկազմի՝ 22 դրամ, իսկ 2% Աստրադեզ լայթից, որի 1 լիտր աշխատանքային լուծույթի արժեքը կկազմի՝ 112 դրամ:

Խորհուրդն արձանագրում է, որ ԳԲԽ-ԱՄ-2018/29 բողոքով տեղի ունեցած նիստի ժամանակ Պատվիրատուի ներկայացուցիչը հայտնել է, որ հաշվի առնելով ընկերությունների կողմից ներկայացված բացարձակ գնային առաջարկները՝ Ընթացակարգի գնահատող հանձնաժողովը 05.02.2018թ. նիստի թիվ 3 արձանագրության համաձայն՝ թիվ 12-րդ չափաբաժնի մասով առաջին տեղ զբաղեցնող մասնակից է ճանաչել «Ադամանդ Մեդ» ՍՊԸ-ին, երկրորդ տեղ՝ «Խաչպար» ՍՊԸ-ին, երրորդ տեղ՝ «Արմենֆարմ» ՍՊԸ-ին:

Այնուհետև, հրավերով սահմանված պահանջի համաձայն՝ առաջին տեղ զբաղեցրած մասնակիցները ներկայացրել են իրենց կողմից առաջարկվող ապրանքների ամբողջական նկարագրերը, որից հետո մասնագիտական տեսանկյունից ուսումնասիրելով առաջարկվող նյութերը և դրանց ՀՀ Առողջապահության Նախարարության մեթոդական հրահանգները, օգտագործման ռեժիմները, Ընթացակարգի գնահատող հանձնաժողովը վերագնահատել և 15.02.2018թ. կազմել է



նիստի թիվ 4 արձանագրությունը, համաձայն որի թիվ 12-րդ չափաբաժնի մասով հաղթող մասնակից է ճանաչվել «Արմենֆարմ» ՍՊԸ-ն:

Օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Նույն հոդվածի 2-րդ մասի 1-ին և 2-րդ կետերի համաձայն՝ առաջին տեղը զբաղեցրած մասնակիցը որոշվում է՝

1) բավարար գնահատված հայտեր ներկայացրած մասնակիցների թվից՝ նվազագույն գնային առաջարկ ներկայացրած մասնակցին նախապատվություն տալու սկզբունքով, կամ

2) այն մասնակցին ընտրելու մեթոդով, որի առաջարկած գնին և ոչ գնային չափանիշներին տրված գործակիցների հանրագումարը ամենաբարձրն է: Այս մեթոդի կիրառման դեպքում հայտերը գնահատելիս հրավերով սահմանած դեպքերում և կարգով, առաջարկվող գնից բացի, հաշվի են առնվում ոչ գնային այլ չափանիշներ: Ոչ գնային չափանիշները պետք է փոխկապակցված լինեն պայմանագրի առարկայի հետ և դրանց հարաբերական կշիռները ներկայացվեն հրավերի մեջ:

Այսպիսով, Խորհուրդը գտնում է, որ Ընթացակարգի գնահատող հանձնաժողովը Ընթացակարգի թիվ 12-րդ չափաբաժնի մասով Օրենքի 34-րդ հոդվածի 2-րդ մասի 1-ին, 2-րդ կետերի և Կարգի 40-րդ կետի 5-րդ ենթակետի համաձայն՝ առաջին տեղ զբաղեցնող մասնակից ճանաչելով «Ադամանդ Մեդ» ՍՊԸ-ին, այնուհետև վերագնահատելով և մերժելով վերջինիս հայտը այն չափորոշիչներով, որոնք նախատեսված չեն Ընթացակարգի հրավերի տեխնիկական բնութագրի թիվ 12-րդ չափաբաժնով, գործել է վերը նշված նորմերով և Օրենքի 34-րդ հոդվածի 1-ին մասով սահմանված պահանջների խախտմամբ:

Միաժամանակ Խորհուրդը գտնում է, որ Պատվիրատուն վերագնահատելով առաջին տեղ զբաղեցրած մասնակցի հայտը գործել է ոչ իրավաչափ, քանի որ գնումների մասին ՀՀ օրենսդրությամբ սահմանված պահանջների համաձայն՝ Ընթացակարգի գնահատող հանձնաժողովը հայտերը վերագնահատելու լիազորություններ չունի:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների բողոքարկման խորհուրդը

### Ո Ր Ո Շ Ե Ց

«Ադամանդ-Մեդ» ՍՊԸ-ի կողմից ՀՀ գնումների բողոքարկման խորհրդին 20.02.2018թ. ներկայացված բողոքը բավարարել՝ պարտավորեցնել «ԱԲԾ-ԳՀԱՊԶԲ-18/03» ծածկագրով ընթացակարգի գնահատող հանձնաժողովին դադարեցնելու 15.02.2018թ. նիստի թիվ 4 արձանագրության 1.2 ենթակետով կայացրած Ընթացակարգի 12-րդ չափաբաժնի մասով «Ադամանդ-Մեդ» ՍՊԸ-ի հայտը մերժելու մասին որոշումը:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի որոշումը կարող է բողոքարկվել դատական կարգով:

ՀՀ գնումների բողոքարկման  
խորհրդի անդամ՝



ՄԼԵՐ ԱՆԱՆՅԱՆ